

de aqua destillante testatur, quæ statim in lapidem indurescit, fuit enim succus lapidificus. Taceo, quod animata corpora ut plurimum in augmentatione certam consequantur magnitudinem; at vero in argento & aliis metallis efformandis natura longe est liberior.

§. 4. Et quamvis vulgò objici solear, quod argentum semel excisum iterum producat & generetur (wachsen in verschrottenen Gängen und verrüstverwundeten Felde wieder) eeu de quadam fodina Dalmatiæ *Albin.* idem testatur in der *M. D. C. tit. LX. p. 83.* non tamen exinde habebit vitam. Ego ipse non dubito, quin aliquando excisum in nostris Hermundurorum fodinis iterum nascatur, atque adeò non valeat ubivis metallicorum nostrorum assertum dicentium. Es stehet alle höfflich/ wir haben ein schwebend Mittel angetroffen/ bauen auff alten Gängen / auff welchen die alten geschramet und Erz haben stehen gelassen/ weil sie die Roh Arbeit im Schmelzen noch nicht gewusst haben: quasi tam stolidi fuissent, ut metallum non vulgaris pretii, quod defæcare poterant, neglexissent. Interim hinc *distingvo inter productionem per semina & inter productionem ex suis succis metallicis*: Argentum non generatur ex semine vitali, sed producitur ex succo suo, uti fortè congelatur glacies; neutro tamen vita adest. inde & facile in illum succum potest resolvi, uti glacies. Ideoque differt ab illo sola duritie & siccitate. Ex quibus, etiam patet falsum esse, quod argentum ex semine in scoriis latente iterum nasci volunt.

§. 5. Quod si tamen quis urgere velit *figuras*, metallorum quales in corporibus non nisi ab anima proficisci soleant. Nam refert Nobiliss. Balduin. in *obser. circa regermin. argent.* de illis hoc modo: Visa nobis contrectataque nostris manibus Crux est illa argentea naturalis, quam vegetabilis instar enatam ex minera Illustrissimi Octoviri ac Principis nostri Technophylacium ostendit Dresdæ. Et Agricola: Vidimus parvam viri statuam, quæ infantem humeris suis sustinebat ex argento à naturâ factam, non ab arte effectam, quæ quondam Schneeburgæ effossa fuit. Pertinet huc das Haar, und Wischlichte Silber etc. *vid. Bartholin. Syst. Phys. p. 362.* Perinde uti in vicini Comitatus Mansfeldensis fodinis, insolentiores lapidum figuræ repertæ sunt v. g. triplex corona Pontificis, & aliæ, atque non raro pisces. De quibus legi mereatur *Dn. D. Alberti Dissertatio ante paucos annos hic Lipsiæ habita.* Ve-

runt